

Нишцнзгү кӧдлмиш.

Приютненск района Приманыческ МЖС-д 30 гар хальмг ӧрк-бӱл ирдж бӱӱрлсн бӱӱнӱ. Ирсн улс заагт механизатормуд, малчнр, тосхачнр йовцхана.

Ирсн ӧрк-бӱлсин кесгнь саалин ӱкр хулддж авцхав. Кӧдлмшд чидх кӧвӱд болн кӱӱкд, берӱд, залуснь тракторн бригадсар гарад, ӧвс хуралгъна кӧдлмшт орлцдж йовна. Ирсн улс цугтан гер бӱрдж авх болдж шиидцхӱв.

Тосхлтин материал белдлгънӱ бригад бӱрдӱгдсн бӱӱнӱ. Эн бригадин бригадирнь—Боваев Балдр гигъӱд дадмг, тосхлтин дамшлтта шунмгъа кӱн. МЖС хойр пар цар гаргъдж ӧгв. Кергтӱ болхла, автомаши ӧгнӱ.

МЖС-н сӱн дӧнъ-тусд, тосхлтин бригадт кӧдлдж йовх улсин шунмгъа кӧдлмшин ашд ода деерӱн 40 минъгъ шаху кирпич цокгдсн бӱӱнӱ. 60 минъгън кирпич цокх зурагъан шидрӱс тӧгсгджӱнӱ. 10 герин эрсснь тӱвгдсн бӱӱнӱ. Ут туршдан 30 гер бӱргдхмн.

К. БОТИЕВА.